



Broj: 01/2-04-3573-2/22
Breza, 12.12.2022. godine

Na osnovu člana 64. stav (1) tačka (b) i člana 70. st. (1), (3) i (6) Zakona o javnim nabavkama („Službeni glasnik BiH“, broj 39/14), na Preporuku Komisije za javne nabavke (broj 02/1-2-11-3575-8/22 od 07.12.2022. godine), u postupku javne nabavke usluga, Nadzor nad radovima: „Provedba mjera energetske efikasnosti na objektu Općine Breza u cilju uštede energije-zamjena dijela fasadne stolarije“ i „Uređenje Trga rudara Breza,” Općinski načelnik, d o n o s i

ODLUKU

o izboru najpovoljnijeg ponuđača

Nadzor nad radovima: „Provedba mjera energetske efikasnosti na objektu Općine Breza u cilju uštede energije-zamjena dijela fasadne stolarije“ i „Uređenje Trga rudara Breza”

Član 1.

Prihvata se Preporuka Komisije za javne nabavke (broj 02/1-2-11-3575-8/22 od 07.12.2022. godine) i Ugovor za javnu nabavku usluga, Nadzor nad radovima: „Provedba mjera energetske efikasnosti na objektu Općine Breza u cilju uštede energije-zamjena dijela fasadne stolarije“ i „Uređenje Trga rudara Breza” dodjeljuje se izabranom ponuđaču „EKMASAN“ d.o.o. Breza za ponuđenu cijenu od 650,00 KM, bez PDV-a, odnosno 760,50 KM, sa PDV-om, a u skladu sa ponudom Ponuđača (broj 28/2022 od 02.12.2022. godine) i Izvještajem o toku i završetku e-aukcije (postupak br. 726-7-2-76/22).

Član 2.

- (1) Prijedlog Ugovora o nabavci dostavit će se na potpis izabranom ponuđaču po isteku roka od 15 (petnaest) dana, računajući od dana kada je ponuđač obaviješten o izboru najpovoljnije ponude.
- (2) Izabrani ponuđač je dužan dostaviti dokaze o kvalificiranosti u roku od 5 (pet) dana nakon što svi ponuđači budu obaviješteni od strane ugovornog organa o rezultatima postupka nabavke, a prema tački C)1)1 Tenderske dokumentacije.
- (3) U slučaju da izabrani ponuđač propusti dostaviti dokaze o kvalificiranosti u navedenom roku ili dostavi neprihvatljive dokaze, Odluka o izboru najpovoljnijeg ponuđača će se poništiti.

Član 3.

Za izvršenje ove Odluke zadužuje se i ovlašćuje Služba za privredu i Služba za finansije, inspeksijske poslove i opću upravu, svako u okviru svojih nadležnosti.

Član 4.

Ova Odluka objavit će se na web-stranici Općine Breza, www.breza.gov.ba, istovremeno s upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

Član 5.

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama.

Obrazloženje

Postupak javne nabavke pokrenut je Zahtjevom o pokretanju postupka javne nabavke broj: 02/1-2-11-3575/22 i Odlukom o pokretanju postupka javne nabavke broj:

01/2-04-3573/22 od 23.11.2022. godine. Javna nabavka je provedena putem konkurentskog zahtjeva.

Procijenjena vrijednost javne nabavke bez PDV-a iznosi 14.420,00 KM.

Obavijest o nabavci broj: 726-1-2-76-3-49/22 objavljena je na Portalu javnih nabavki dana 23.11.2022. godine.

Na osnovu obavještenja na Portalu javnih nabavki, tendersku dokumentaciju sa portala E-nabavke je preuzelo 16 (šesnaest) ponuđača.

Izvještaj o preuzimanju tenderske dokumentacije je u prilogu Zapisnika o pregledu i ocjeni ponude.

Komisija za javnu nabavku imenovana je Rješenjem (broj 01/2-04-3573-1/22 od 02.12.2022. godine).

Komisija za javnu nabavku dostavila je dana 07.12.2022.godine, Zapisnik o pregledu i ocjeni ponuda, broj: 02/1-2-11-2575-7/22 i Preporuku o izboru najpovoljnijeg ponuđača, broj: 02/1-2-11-2575-8/22 u postupku javne nabavke usluga, Nadzor nad radovima: „Provedba mjera energetske efikasnosti na objektu Općine Breza u cilju uštede energije-zamjena dijela fasadne stolarije“ i „Uređenje Trga rudara Breza.”

Na javnom otvaranju ponuda bio je predstavnik ponuđača „Ekmasan“ d.o.o. Breza: Amer Hodović.

U postupku po izvještaju o radu je utvrđeno je da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 5(pet),
- da je blagovremeno zaprimljene 5 (pet) ponuda,
- da nije bilo neblagovremeno zaprimljenih ponuda,
- da su ponude ponuđača: „EKMASAN“ d.o.o. Breza, „QUATTRO-DI“ d.o.o. Visoko, Studio „DVA“ d.o.o. Sarajevo, „SMAJIĆ-INŽENJERING“ d.o.o. Goražde i „RADIS“ d.o.o Istočno Sarajevo, prihvatljive ponude.

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača, u skladu sa kriterijima iz Tenderske dokumentacije, te kroz sistem „E-nabavke“ provela „e-Aukciju,“ u skladu sa Pravilnikom o uslovima i načinu korištenja e-Aukcije od 21.07.2016. godine.

E-aukcija je održana dana 07.12.2022. godine u 15,45 sati .

Iz izvještaja o toku i završetku „e-aukcije“ koji je kreiran 07.12.2022. godine u 15,44 sati jasno je vidljivo :

POČETNA RANG LISTA PONUĐAČA KOJI SU POZVANI DA UČESTVUJU U E-AUKCIJI:

R.b.	Naziv ponuđača	IDB/JIB	Početna cijena u KM bez PDV-a	Rang
1.	„EKMASAN“ d.o.o. Breza	4218208570005	12.302,50	1.
2.	„QUATTRO-DI“ d.o.o. Visoko	4218181600004	14.100,00	2.
3.	Studio „DVA“ d.o.o. Sarajevo	4218208570005	14.400,00	3.
4.	„SMAJIĆ-INŽENJERING“ d.o.o. Goražde	4245078150006	14.410,00	4.
5.	„RADIS“ d.o.o Istočno Sarajevo	4400548800008	14.420,00	5.

KONAČNA RANG LISTA PONUĐAČA KOJI SU UČESTVOVALI U E-AUKCIJI:

R.b.	Naziv ponuđača	IDB/JIB	Konačna cijena u KM bez PDV-a	Umanjenje cijene	Rang
1	„EKMASAN“ d.o.o. Breza	4218208570005	650,00	94,72%**	1
2	„RADIS“ d.o.o Istočno Sarajevo	4400548800008	700,00	95,15%**	2
3	„SMAJIĆ-INŽENJERING“ d.o.o. Goražde	4245078150006	1.587,00	88,99%**	3
4	„QUATTRO-DI“ d.o.o. Visoko	4218181600004	3.150,00	77,66%**	4
5	Studio „DVA“ d.o.o. Sarajevo	4202402290001	6.880,00	52,22%**	5

**Označava približnu vrijednost procentualnog umanjenja nakon zaokruživanja na dvije decimale

U postupku ocjene provedenog postupka, Općinski načelnik, nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Izabrani ponuđač je izabran primjenjujući kriterij „najniža cijena“.

Iz navedenih razloga, primjenom člana 64. stava (1) tačka (b) Zakona o javnim nabavkama, odlučeno je kao u dispozitivu.

POUKA O PRAVNOM LIJEKU

Protiv ove Odluke može se izjaviti žalba Ugovornom organu, najkasnije u roku od 5 (pet) dana od dana prijema ove Odluke. Žalba se podnosi u pisanoj formi Uredu za razmatranje žalbi, a putem Ugovornog/prvostepenog organa.

Predlagač: Služba za privredu, Salih Hasanspahić _____

Obrađivač: Jasmina Došlić _____

DOSTAVLJENO:

1x Svim ponuđačima koji su učestvovali u
postupku JN

1x Služba za privredu

1x Služba za finansije, inspekcijske poslove i opću upravu

1x Viši samostalni referent - administrator mreže

1x Evidencija

1x a/a

OPĆINSKI NAČELNIK

Vedad Jusić